

集部

欽定四庫全書集部

群校官監察御史 對 芬 中書題源溥震勘

腾銀監生₽T成鏈校對官修撰 B 张書勲 總校官檢討 臣何思鈞

钦定四庫全書 1. J. & /.L. 東巖集 捉要 臣等謹案東嚴集六卷明夏尚樸撰尚樸字 敢夫東嚴其號也永豐人正德辛未進士官 稱瑄之門人有周蔥蔥之門人有薛敬之李 史儒林傅附見諒傳中然史於薛瑄傅末又 至南京太僕寺少卿尚樸受業於妻諒故明 東殿集 集部六 別集類五明

多玩四月至書 模之名殆行文歟諒以勿忘勿助為敬胡 之錦爵三人事进一字不及尚樸則瑄傳列 錦王爵夏尚樸與掠傳不合考傅末惟叙敬 風景不出虞廷敬畏中至謂心所以窮理未 之王守仁少時亦學於該然守仁贈尚樸詩 仁羅順欽多識其近禪而史載尚樸常言緩 有舍瑟春風之句尚樸則答曰孔門所水春 提起便是天理纜放下便是人欲魏校丞稱 Ī 提要 居

ここり ヨ ハナラ 為前同即其不為尚異者也史載所著有中 獻章論學詩一一為之箋疏指其謬誤正德 書斤斤以原常喜新為戒其語録中復取陳 則與守仁即心即理之說與異又與湛若 水 之際學問漸歧而尚撲獨恪守先儒不為高 不用朱子之説則見仁見智各有所得其不 論可謂寫實之士丢至其論中庸分八節獨 足以盡理又謂學不難於一貫而難於萬殊 東渡集

多片巴 居全書 馬乾隆四十六年十二月春校上 據其初出各行之本也尚樸本講學之士不 録中庸說為第一卷與文集併為一編史蓋 庸說東嚴文集此本為其壻劉賓所編以 以文章為工然其言醇正固亦不乖於大雅 D 總 總暴官臣紀的臣陸錫熊原孫士教 校 官臣 陸 酆 語

えつ コラ へいっ 君子之心纖惡不容如人眼中着不得一些塵埃 心須如魚之 見る大路門衛子を大車 天於地轉氣象 東簸禁 游泳於水始得 明 夏尚樸 撰

朱子云顏子之樂 平淡曾點之樂勞接近觀擊壞集堯 學者須收飲精神譬如一 孕常讀與點一章只說胸次脫灑是堯舜氣象近讀 到此 典三誤方知兢兢業業是堯舜氣象害以此語雙門 點象堯舜怕有餘風入老莊乃知先輩聰明亦當看 詹田夫因夫云此言甚善先孔復齊有詩云便如曾 便昏黑了 爐火聚則光燄四出纜撥開

多江四月月

المام المام المام المام 白沙云斯理也宋儒言之備矣吾常惡其太嚴也此與 不問此心靜與不静只問此心战與不敬敬則心自靜 道理是简甜的物事朱子訓崇詩云行處心安思處得 矣譬如桶箱總放下便八散了 東坡要與伊川打破敬字意思一般葢東坡學佛而 餘甘害溢齒牙中非譬喻也 樂只是心中無事方是孔颜樂處 夫之樂比之曾點尤勞攘程子云敬則自然和樂和 東龍小

金江四月月月 事馬而勿正心勿忘未曾致纖毫之力此其存之之 道也朱子云纔覺得間斷便己接續了曷害過於嚴 外不若內外之兩忘兩忘則澄然無事矣又云必有 亦可惡乎 乎至於發用處天理人欲間不容髮省察克治不容 白沙之學近禪故云丽然皆觀之程子云會得底活 少緩看二典三謨君臣互相戒牧視三代為尤嚴其 潑潑地不會得底只是弄精神又曰與其是內而非

20. 10.2 7.15 吾儒之學靜中須有物譬如果核雖未萌芽然其中自 李延平云人於旦盡之間不至牿亡則夜氣愈清夜氣 上古以來人皆質實周末文勝忠信道衰故孔子開口 清則平旦未與物接之時港然虛明氣象自可見矣 只說忠信如林放問禮之本子夏有禮後之問深契 此是喜怒哀樂未發氣象 有一點生意釋老所謂靜特虛無寂滅而已如枯木 死灰安有物乎 東張集

多六四周全書 聖人存許多淫奔之詩非特可以懲創人之逸志亦欲 聖人之心亟加數賞一部論語多是此意至如乾卦 言聖人之學亦說忠信所以進德修解立其誠所以 為人君父者深達男女之情嚴內外之辨以杜瀆 居業也今人談王談伯説玄說妙反不若前輩質實 之前制嫁娶之禮婚姻以時使內外 謂誦詩必達於政此其一 端也 無怨曠之人所 亂

九己の声之日 東東北 聖人定之以中正仁義而主静立人極馬其下自註云 義由中出猶快刀利斧劈将去使事事合宜是集義若 理與氣合是浩然之氣緩與理違是客氣 敬則不是裝點外事乃是吾心之當然有不容不然者 無欲故靜盖中正仁義是理主靜是心惟其心無欲 尋常驗之敬則心便安纔放下則此心便不安矣所 務矯飾徇外即是義襲襲猶襲裘之襲 謂敬者只如俗説常打起精采是也

為學因要都存動察使此心未能無欲雖欲存養省察 金ピグロル 無下手處直須使此心澹然無欲則靜自然虛動自 静之靜集註云靜謂心不妄動是也 然直何煩人力之為耶程子云識得此理以誠敬 静虚動直可見矣主静之静不與動字對乃大學定 而静則此理自然動静周流不息矣觀通書無欲則 之有理有未明故須窮索存久自明安待窮 之不須防檢不須窮索心懈則有防心茍不懈何防 1111 存

מנציל לפנים לייצים 朱子謂周子無欲章話頭高卒難輳泊然朱子嘗云有 勝物欲自然退聽矣夫以誠敬存養而又涵泳經義 取聖賢之書安坐而讀之云云久久慕道希賢之心 相為消長猶持衡之勢此重則彼輕子歸靜掃一 更遏捺不得若能將聖賢之語玩味入心久久不知 不覺到落銷頭去又康齊與楊德全序云天理人欲 人要做沒要緊事如寫字作詩之類初是念念要做 吾之言 相表 稟 東縣祭

多欲則事多寡欲則事寡無欲則無事矣 問理家曰耕讀而已矣問為學曰知行而已矣問為政 天地以生物為心人能以濟人利物為心則與天地之 多いのたんで 已矣 徳日去其害徳者而已矣問治民曰去其害民者而 日教養而已矣問養生曰去其害生者而已矣問養 以流灌之則此重彼輕又安患人欲為吾累耶 相契宜其受福於天也故曰永言配命自求多福 表

朱子語類解敦厚以崇禮云人有敦厚而不崇禮者亦 我朝相紫當以李文達公為首雖其奪情起復得罪士 變至今猶未衰熄是亦可取矣 而字上不必分屬存心致知益有尊德性而不道問 集註由是推之此一節當一句自為一義重在幾箇 有禮文周密而不數厚者故敦厚又要崇禮此解勝 聘吳康齊禮遇隆甚皆本公輔尊之力致使士風丕 論然能舍其将程篁墩而取羅一峰為狀元英廟徵

钦定四庫全書 人

東嚴集

<u>بر</u>

草一木亦必窮究是小當以此質之魏子才子才以 或未合故極高明又要道中庸又集註以尊德性為 廣大又要盡精微如伯夷可謂極高明矣稽之中庸 學者亦有道問學而不尊徳性者故算德性又要道 於一言一行處是小窮究道理大原大本處是大 恐亦未然竊謂二者皆有大小如涵養本原是大謹 存心以極道體之大道問學為致知以極道體之 問學如柳下惠可謂致廣大矣而精微或未盡故致 細

É

一次已四年公告 ~ 張子云心統性情程子云性即理也又云心如穀種仁 有善無惡是性好善惡惡是情主張為善去惡之心是 所具之理為性佛氏之徒只指那靈妙處為性以理 者氣之精爽愚謂心無形體是人身一點靈處其中 的是性性是理心是與儲該載數施發用的又云心 則其生之性也陽氣發處是情朱子云靈的是心實 意誠意是為善去惡之心十分懸惻處 為然姑存之以倘祭考 東嚴集

本是家常茶飯却恐諸公說得太甜了程子云敬則自 只此一 嵌其源學失真異端投除害彌深推原氣稟由無極 知為話頭接引後學恐不免比弊朱子訓蒙詩云性 心之精神謂之性故朱子關其為禪近者諸公以良 為障故為異端後世儒者本學聖賢只是源頭認得 山之學以收拾精神為主至門人楊慈湖論學每云 不真故流入異學而不自知如告子以知覺為性象 圖傅聖心

往歲在滁城門外見人攜錢一大串偶因索斷錢散在 仁是心之徳如桃仁杏仁一般若有分毫私裏面便壞 地不可收拾因悟一貫之旨蓋道理散在事物上必 了如何得生意發達於外巧言令色不必十分裝飾 有不做工夫而能樂者此言殊有味 然和樂和樂只是心中無事朱子云近日江西諸公 得此心方可管攝岩有分毫私則散亂無所統矣 好說尋樂予謂尋到苦遊處方有樂的好消息來未 東服作

多片四库全書 遗書云仁者渾然與物同體義禮智信皆仁也識得此 人不知而 有一毫不平之意即是渣滓未渾化如何為 成徳一齊皆有詩云為學要人知做甚養之須厚積 是為仁之方故日知巧言今色之非仁則知仁矣 须多君子一心如止水不教吃子動微波 但有一毫取悦於人意思即是巧令知此而謹之即 只要義理栽培如求經義皆栽培之意以誠敬存之 理以誠敬存之而已又云學者識得仁體實有諸

DALO BE LIAID **象山之學以收斂精神為主曰精神一霍便散了門** 容已者然必先識此理譬之五穀不知其種得不誤 此其所以近禪朱子云收斂得精神在此方看得道 楊慈湖論學只是心之精神謂之性一句更無他 者有用盡平生之力卒流入異學而不自知者正坐 認稱科為五穀耶雖極力培壅止成稱稗耳近世儒 未識其理耳 涵泳經義以栽培流灌之庶幾生意條達自有不 東飛集 説

吾儒曰唤醒釋氏亦曰唤醒但吾儒唤醒此心要照管 金月四周百言 窮經須求古人作用處如免豈不知舜之賢若一旦驟 而用之豈不為舜害故歷咨諸職付之衆論之公而 理盡者道理不盡只是不專一 凶之患盖驢兜共蘇皆勲舊之臣一旦遽處其下 許多道理釋氏則空喚醒在 揆四岳侯其聞望昭著然後命之攝位如此猶 已無與馬妻之二女即今所謂駙馬復任為司徒 如此說方無病 有 百

年耳一旦起而議天下之事宜為絳灌之徒所嫉伊 避位居東後成王感悟迎之歸三叔遂挾武庚以叛 室懿親位家宰攝國政三叔倡為流言以間之周公 浮議在朝與石國公議之后慨然托李公為薦章英 州之行我朝英廟復辟李文達公欲起康齊恐阻於 川以布衣召用在朝有諸公為之引異循不免有涪 周公承王命東征而天下始定後世賈誼洛陽一少 無快快之心舜從而去之由是天下始服周公以王

大いとり 上上にはい

東發集

精一執中就事上說尋常遇事有難處處羣疑並與既 受職恐亦不得安其位由是而觀古令人情世變恐 限分明又須一以守之使不為私欲所奪如此便是 廟差行人奉敕書徵之至則禮遇甚隆遂除左春坊 亦不大相遠必得聖君賢相在位方可有為 在諭德力解不供職後賜敕書差行人送歸當時若 那箇是人心那箇是道心故必精以察之使二者界 如此又欲如彼當是時也盡把私意閣起竟不知

多岁也及人情

Ł

堯之學以欽為主以執 中為用比萬古心學之源也舜 告禹曰惟精惟一名執厥中又曰欽哉慎乃有位設 足吾心之良知而謂誦習講說為支離率意徑行指 凢發於粗心浮氣者皆為良知之本然其說蔓延已 後道理浹洽庶幾中可得以執矣近世論學直欲取 執中之外又欲考古稽衆視堯加詳馬盖必如此然 修其可願曰欽曰中曰敬皆本於堯而發之且精 允執厥中益過與不及皆是人心惟道心方是中

欠この自己の

東張集

夫道若大路然豈難知哉云云尋常最愛此數句明白 處則心中自有一箇當然之則 何事外求故曰子歸 言如此行如此待人接物如此各各有箇路數真如 痛快令人有下手處益日用間事親如此事長如此 世有足徵者 者於是非之源毫釐有差則害流於生民禍延於後 為天下害揆厥所自益由白沙之說倡之耳故曰學 大路然只是人遇事時胡亂打遇了若每事肯入思

金好四周有書

20 1. 10 ... Links 有車馬方與人共無車馬時如何有功能方可不伐無 言所謂信手拈來頭頭是道如師晃見即是老者安 天下便須制田里教樹畜使老者衣帛食肉少者不 功能時如何二者皆微有待於外孔子只據眼前而 乃謂教之孝弟不容受業於門恐非益子意 之家在鄉則行之鄉在朝則行之朝在天下則行之 而求之有餘師假使曹交在門教之不遇如此集註 之關黨五鄉童子皆得見即是少者懷之在家則行 東龍集

所 金兵四届名書 為最精 謂求放心者非是以心捉心之謂益此心發於義 許也 機不寒又如三子 皆欲得國以 時及泛泛思慮方是放心要就那放時即提轉來便 而言藹然有春和育物氣象與聖人同宜為聖人所 無事伊川曰心本善流而為惡乃放也此語視諸 者即是真心便當推行若發不以正與雖正發不 治自點亦只據眼前 儒 理

往歲在山東答都憲唐虞佐書云近來諸公議論太髙 人之思慮多是觸類而生無有寧息時節通書所謂憧 思到此逆推上去便自見得禪家謂之葛藤所以要 誠比之他人省了多少氣力只今已是風動海内乃 精其所就多不滿人意如枫山先生為人只一味純 長存長覺繼覺得便斷了 憧往來朋從爾思是也朋類也試就思處思量如何 知忠信驕泰得失之言為有味方欲從事於此顧以

一たこの事という

東嚴集

委吏即今之所謂倉官以大聖人居之亦只是謹其出 若貪富貴厭貧賤未論得與不得即此貪之厭之之心 金いりゅうしき 見其大為先也周子此論直超脱宜其胸次灑落 已自與仁離了如何做得下面存養細密工夫所以 周子論學以無欲為要其論顏之不改其樂必以能 光風霽月也耶 學力之微無以勝其習俗之深為可懼耳 納使會計當而已乘田即今之上林苑以大聖人居

久已日草之時 繁簡只要盡其職分所當為而已不必強生意智樂 於紛更取赫赫之聲譽也至於為宰相亦只是從天 於是由是觀之則几居官益政不問位之崇早事之 疫癘之炎人人得飯喫得衣穿則宰相之職盡矣外 與之共理天下之事輔成君德上當天心使無水旱 下之公進退天下賢才擇其才徳出界者分布要地 之亦只是時其水单使牛羊茁壯長而已安能少加 此何容心哉 東嶽集 古山

康齊一日填地批使人名一齊來看云學者須親細務 食いりしたんごし 康齊有齊規化四方來學者稟見其泛泛來往者令不 朱子云不带性氣的人為僧不成做道不了昔一癬受 業康齊之門康齊一見喜之云老夫聰明性緊對契 掃除之事必躬自為之不責備家僮 也聰明性緊小兒專聰明不性緊 必禀盖以世既無人不得不以師道自尊一峰未第 齊早年豪邁不屑細務由是折節向學在書館雖

知二兄安在何處不若虚心以待天下公議由是 為小人二兄為君子無疑倘後世以君子處康齊 子小人不容並立後世自有公論假使後世以康齊 語康齊若不聞時張東白從而和之一齊謂之曰 移書四方士夫有鳴鼓攻之不容在名教中作怪之 有忘知名之士如何不見康齊云我那得工夫見此 小後生耶康齊令乃子具膳相待而別一 日同廖簡來訪康齊不出時一齊在彼謂此亦 峰甚不悦

とこの見

A. A. T

東版集

金江口屋石里 **堯欲求人遜之以位衆以舜對取其克指以孝成王命** 心要有所用日用間都安在義理上即是心存豈供終 日瞋目跌坐漠然無所用心然後為存耶 逐事在易而求諸難人人親其親長其長而天下 為人道之大端學者之先務孟子云道在通而永諸 遂息 觀此尤信 **君陳繼周公治洛獨有取於孝友之君陳可見孝第** K

دايه ما الحد دار دار د 耳之聰止於數百步外目之明止於數百里外惟心之 **普疑腔子不是神明之舍猶世俗所謂眶當之眶指** 思則入於無問雖數千萬里之外與數千萬年之上 主矣并録於此俟就有道正馬古人所以貴論心也 心若躯殼之外不在神明之舍則九應事接物無所 而言謂此心要常在理中稍與理違則出眶當外 說為善盖心猶戶樞戶樞稍出回外便推移不動此 如此說則滿腔子是惻隠之心便說不去不若照舊 東東东

動好四屋石電 象山之學雖主於尊徳性然亦未 當不道問學但其 所 隱當羞惡自羞惡更無待於擴克此與告子不知 下手處象山之學謂能收敛精神在此當惻隱自惻 義理栽培盖言識在所行之先必先識其理然後 以尊徳性道問學與聖賢不同程子論仁謂識得 而通之即此是神故思曰睿睿作聖 理以誠敬存之而已又謂識得仁體實有諸已只要 舉念即在於此九理之精微不可致詰者亦可思

是驅率聖賢之言以就已意多非聖賢立言之意如 不同宣直文義之差而已哉其他此類不可枚舉 渣滓便渾化其次惟莊敬以持養之及其至則一也 謂顏子為人最有精神用力最難仲弓精神不及顔 子然用力却易云云其與程子所謂質美者明得盡 下之事以聖賢之心觀聖賢之書象山所引諸書多 動心之速適足為心害也朱子曰以天下之理處天 之為理而以所謂魚者當之雖能堅持力制至於不

اللهايد عدد الالمال

東嚴集

ナヤ

長生人視之說起於老莊恐是寓言人生在世特須更 井 田封建或以為可復或以為不可復雖程朱亦無定 耳勘不破者營營役役雖生百年猶旦夕耳若勘得 論觀孟子與宣王論王道二章有可復之理盖當法 破超然物表一日奚啻百年東坡詩云無事此靜坐 取其語録諸書觀之當自見矣 人不悟反信長生之說豈非癡人前說夢耶 日勝兩日若活七十年便是百四十似亦有見世 卷 127.10 ... A.I. 而懲遊惰使民養生喪死無憾然後與識達治體者 得聖君賢相在位選擇天下賢能分布中外九貪官 處之有術期以數年不刑一人而可復者此也盖必 得民心為之地然後盡法制品節之詳極裁成輔相 污吏賊上害民者悉去之廣儲畜而省冗費勘農桑 詳明可為得其古矣善為治者法其意而用之所謂 之道惟其所欲為耳真命世亞聖之大才朱子訓釋 制未備之時且因天地自然之利而搏節愛養之既 東嚴集

中原地勢平行綿亘數千里可為井田然地高水下雨 金万四月全書 今 滕縣即古滕國手當過之地多山澗坡陀实兀難 溝洫雨澤水泉不瀦孟子勘文公行井田不知如 講求經制之詳庶幾有可復者程子云天生一世才 則在君與子矣 經畫然亦只據古法告之至其末則云若夫潤澤 自足了一世事正謂此也 即深入土中難開溝巡恐古今其宜只宜定經界 何 開

火このら ここう 選 江南多稻田蘇松處地勢寬平可以畫井田然多水潦 一詩陶後鮮有佳者獨康蘇五言諸作直自胸中流出 以種菽麥稻田次難以人力為也 中原止據紙上立論其說不可行 區使不失八家同井之意為便大抵南渡諸儒遠去 其廣俠為之不可畫井處止須定其經界人各受 其餘江浙諸處山多地少廣挾不同宜依程子說就 **澹和平足嗣清響非諷訴之人無以見之朱子謂** 東最乐

金片四月在書 康齊詩好說夢字如一枝聊息夢中身又與一齊詩 蓓在南都與黄撝之論康齊詩渠亦記得兩句云紅 養之久得於夜氣之深者安能及此 鹅湖寺詩云紫辱不斃狐桃客四更雲月吐寒光又 旅次詩云虚冤一榻平安夢人在春風醉碧桃非 漏窓春睡起滿庭芳草落花間考之本集不載又宿 也愚於康齊亦云 若曾用力學淵明詩然後知淵明詩非著力所能 8 涵

1,7 . Jo . 51 / 1. 1. 10 看浸種知養心之法田家浸種俟其滋潤透徹然後捞 達於外岩能敬以涵養不忘不助使有春和意思則 至二三日後又放出用温涉灑之拌匀仍包裹如前 起恐乾而攤之日下使燥濕得宜用稻草包置筐內 如夢也 老去久於浮世淡重逢端似夢相求真能勘破世事 如此者三四次則和氣熏蒸萌芽悉達於外矣人之 心生理具足與穀種一般不知養之之法無由得 東放集 宇

動六四月百十 京口丁補齊先生倅吾郡時常行部到山中想里之普 照寺余常侍教先生問予何如謂之明徳予以心對 之性也陽氣發處是情未子曰如鷄抱卵看來抱 有甚暖氣只被他抱不住便成雛子若把湯去湯便 其養無物不消者此也程子曰心猶殼種仁則其生 滋長自有不可退者所謂尚得其養無物不長尚失 死了才任便冷了此言最善名状故并記於此 善端自然萌著又須涵養經義日日澆灌之則發緊 得

大三つ馬 から 身不敢忘徳近年寺廢僧從從有司購得遺址結屋 子答云心與性自有分别靈的是心實的是性性是 看書不敢草草於後少有所得皆公一問之力也終 理心是威貯該載數施發用的由是恍然有悟自此 子所釋明徳之義反腹思之或問明徳是心是性朱 重思之思之不通思神將通之汝且去思予退以朱 思無以對而請教馬先生誦管子語云思之思之又 先生云既日心何不日明心說是性何不曰明性予 東泉泉

予告有志於學而不知操心之要未免過於把捉常覺 數極扁為明德堂因書此以示子好使知所用心云 累墜乃知禪學誠有動人處於後看程朱書說得下 則非行立之頃遂覺的中如有石頭磕然而下無復 四家語看內有黃藥禪師對裴休云當下即是動念 日過東華門墙下有賣古書者攤在地上予偶檢得 有一物梗在胸臆雖欲忘之而不可得在南監時一 補齊名幾字玉夫遂於理學終於廣東提學副使

金月四周月十

大三日 日本 聖賢之訓明白怨切無不欲人通晓白沙之詩好為隱 與之語至其論學處藏形匿影不可致話而甘泉之 出機軸好為跌宕新奇之語使人不可追逐盖其詩 本之莊定山定山本之劉靜修規模意氣絕相類詩 詩自漢魏以來至唐宋諸大家皆有典則至白沙自 註曲為回互類岩商度隠語然又多非白沙之意且 手十分明白痛快但在人能領署耳故曰吾道自足 何事旁求 東森集 Ī

金牙口屋石丁 白沙詩云桃花亂點釣魚船又云紅葉浪裏枕書服又 事須變而不失其正若變而失其正又不若守古本 學為之大變獨古選和陶諸作近之朱子云作詩須 畫獎州以後自出機軸横逆不可當然變大段是難 從陶柳門庭中來乃住不然無以發蕭散沖澹之 云美人家住紅雲島欲往從之江水深亦可謂風流 之為愈也 又云李杜好處多自選中來又云杜詩爽州以前如 趣

2 .. JO .. O. L. L. D. 有學有覺篇言有學子無學乎有覺乎無覺乎盖謂學 甘泉之註恐非公意 萬金之諸人能從事其間自然天機活潑有難以語 可以有覺也先難後獲一 成月春來猶有好花枝等句真不減威唐也 遠客惜流年來鴈知天寒歸人看月色老去又逢新 入者即此是覺處獲處何事得山之杖臨濟之偈乎 人豪也又云青陽動芳草白日悲 行人愁人知永夜 一語是學之要乃千金之壺

金万四周百量 周子云一為要一者無欲也無欲則靜虚動直又云寡 白沙論學有取周子主靜之說是矣但恐未悟無欲故 基又云蒲團坐破千峰月信手推開六合塵雖得 求造寡欲虚靜之地直欲與目趺坐置此心於無物 静之旨每每教人静坐如云敢避逃禪誇全將作 同今不提起此心做主就視聽言動上下工夫漸 之又寡寡之而至於無則誠立明通與克已復禮意 名教有所不顧惜哉 罪

古人棄糟粕糟粕非真傳 妙安能及此 是吾心何事塊然獨坐而後為存耶非洞見心體之 如讀書以求義理應事接物以求當理即所求者便 忘即是坐馳朱子云要聞越不聞要靜越不靜又云 之處則私根何由以去本體何由以虚乎程子云坐 正馬 讀白沙與東白論學詩敬疏數語于下以埃有道

九八日日 上出

東放集

韦

金万口匠 渺哉一酌水積累成大川亦有非積累源泉自涓 那 天下之事未有不由積累而成者孔子志學以至從心 愚謂六經載道之文聖賢傳授心法在馬而謂糟粕 孟子善信以至坚神朱子曰予學實由銖累寸積得 謂不由積累而成得非釋氏所謂一超直入如來地 之又云予六十一成方理會得若去年死也枉了今 非真傅何耶

とかいり とした 虚形乃實立本貴自然戒慎與恐懼斯語未云偏後儒 不省事差失毫監問 我能握其機何必窥陳編學患不用心用心滋牵纏本 至無有至動至近至神馬發用兹不窮緘嚴極淵泉 中庸云喜怒哀樂之未發謂之中發而皆中節謂之和 中也者天下之大本也和也者天下之達道也道之 之疑從何處下手耶 體用不過如此可謂明白今乃說玄說妙反滋學者 東殿作 Ŧ

必有事馬而勿正心勿忘勿助長未嘗致纖毫之力 心存主處總提起心便安總放下便無安頓處是乃 至此無餘為矣戒慎恐懼敬也敬有甚形影只是此 此皆任其天然了無一毫將迎安排之病心學之妙 此其存之之道也朱子云緩覺得間斷便已接續了 而非外不若內外之兩忘兩忘則澄然無事矣又云 司馬温公日與权張天棋輩患思慮紛擾皆無如之 何誠如公論至於程朱寧有此病程子云與其是內

金巧四個月

寄語了心人素琴本無絃 要今論學不說下學之功遽及上達之妙宜其流入 此是無聲無臭處中庸一部書從天命之性說起 說盡了方說到此所以程子云下學而上達乃學之 益而又害之 事矜持太過為散則為此心之病矣故曰以為無益 而舍之者不去苗者也助之長者握苗者也非徒無 人心之當然有不容不然者若不知此而以裝點外

次已四車全書

東嚴集

三

湯武放伐為綱常計耳萬一不幸事敗雖身家篡弒 必須極力正救其可含糊姑息置之不問那先師 予自知讀者以來幸尊長見信不搬戲迎神已四五 罪有所不顧吾人立朝處家事有干於倫理風俗者 齊家居以正風俗為已任九鄰里搬戲迎神及划 之類必加脆齡禁戒每每以此得罪於人有所不 知其有悖於道予不得以不辨 典學而不自知也此詩清新華妙見者爭誦之而不 恤 船

大きの事とき 告在山東與諸生講孟子首章講畢問諸生此章之意 古者宰相制國用雖天子不得以濫費九為家長者不 云何諸生對云此章孟子告梁惠王徇利之害惟仁 常倫理所關家之廢與全在於此不可不謹 能制其錢穀之出入致使子婦妄用祭祀宴饗悉為 之槩惴惴然惟恐犯其怒殊失易有嚴君之義此綱 心有所未安遂止之因書此以示子姪 十年近日鄰俗有搬傀儡以禳疾頗致男女喧雜鄙 東鐵集 主

尚義惹得一家莫不尚義由是父慈其子子孝其父 方甜如人家長尚利惹得一家莫不尚利由是父子 白無不利譬之甜的物事與過則酸苦的物事與過 笑以為迂濶殊不知利中只有害惟仁義則不求利 皆不可不知此意世人只知有利語及仁義必將譏 義未常不利予云此章固是孟子告梁惠王的說話 兄弟交相攘奪相勵相办必至傾覆而後已若家長 于後著之于篇都是教天下後世自天子至於庶人

金げいたかって

钦足四車全書 四 廷差錦衣衛官同巡按勘問辱及妻子肌無完膚追 見髙尚書家事尚書為人平生亦清謹長子淇有才 家無噍類宫殿鞠為草莽利在何處日前過楊州得 稽之一家一鄉亦可知矣又如吾 省寧王可謂富貴 能幹濟家資致鉅萬死後庶弟與其子奏爭財産朝 之極却被利心所害要做皇帝事敗械送京師賜死 庭之間已自有一段春和景泉何利如之不必遠求 兄友其弟 弟恭其兄莫說到門 祚何如只據眼前家 東嚴集

予在山東提學時都憲王 據東昌府知府中說觀城 縣庫增缺多欲将其縣學其某挨補都憲行二司令 與某議予後狀云祖宗立法經權並用至精至備 步舉手云老先生說到此今人毛髮俱缺間中偶及 可輕改如學校一事府廪四十一年一貢州廪三十 此貞姓華請書之為家人戒云 何處說到此諸生莫不悚然時有府官在側不覺却 銀數萬方變賣田産以足所奏之數門卷蕭然利在

員缺欲移某縣挨補則鐵刺之徒紛然競起致使海 輕動自取變亂之罪事遂寢近時建議不問食糧 演之人目不知丁而後已此非祖宗之法本職不敢 於海濱郡縣間出異材視中州亦不少讓今以其縣 行之百五六十年文化大行天下皆知誦習孔子至 亦錦定解額會武京師則卷分南北其所應者深矣 材多寡稍異其制至於科舉之設本為甄拔異材然 四年三貢縣原二十二年一頁未當以地域中邊人

次足四軍全勢

東破兵

扎

每事不失之怠緩則失之急躁宜戒之 数日警惕之意比前較緩宜時時提醒程子云懈意 心本有用之物而置之空虚之地可乎 生使是自暴自棄 歸而罪提學將使偏方下邑無人才去處十數年不 得一貢如何作興士子讀書殊失祖宗法意因記於此 深淺止將文義考在前列者克貢有考不中等者能 滁州省愆録

Clubic Terr Clark 朱陸同異之辨前單已有定論細觀其書當自見之今 偶命僕緑淨掃庭中荒穢遂覺眼前寬快人能一旦洗 雪此心而去其積習之染其氣象當何如耶 云朱子所者諸書或有初年未定之論兼門人記録 未能平心易氣細觀其書以致然耳王欽佩當謂予 近時諸公力扶象山之學極抵朱子之學支離盖亦 不搞具本而齊其末方寸之木可使高於冷樓者耶 就其中摘其一二稍稍同處遂欲會而為一非所謂 東嶽集

湛然虚明者心之本體本無存亡出入之可言其有存 大而君臣父子小而鹽米細事處之皆當即此是道 萬魚除飲啄牝牡之外更無他念所以得逐飛躍之性 亡出入者特在操持战肆之間耳所謂范女不識孟 **須擺脱得開無絲毫惹絆方有此等氣象** 未能盡得其意者亦或有之吾輩觀之但擇其好處 今王陽明專擇其不好處來說豈不是偏耶 (雖萬物之靈心中有多少私意如何得似為魚直 J. J. J. L. C. Prince Total 好問好察而必用其中誦詩讀書而必論其世則合天 不得不為諸生言之豈好辨哉 然此乃入門疑於此既差是猶欲其入而閉之門也 乃欲取足吾心之良知而議程朱格物博文之論為 下古今之聰明以為聰明其知大矣近時諸公論學 子然亦知心殆此之謂敷 雜其何以開聖人之知見擴吾心良知良能之本 示滁州學諸生 東嶺集 Ē

·堯舜禹積界鄉追深仁厚澤至太康一尸位民即貳其 金公口及人 人生在天地間不生為禽獸而生為人既生為人又不 人家有三要與積德與有內外有禮義與能勤儉與有 恃 生於海外而生於中國既生於中國又不生於卑 心以此觀之祖宗德澤不可恃還是自家能敬德可 之地而生於大族既生於大族又不生為庸九而生 三要敗積惡敗無内外無禮義敗奢侈敗

PLAN JAMES !! 中庸一書朱子分作四支以愚觀之當作八節看首章 為一節楊氏謂為一篇之體要可謂得其古矣後面 說费隱大德小德等語所以終性道之意知仁勇明 至誠贊化育為恭而天下平所以終中和位有之意 肯向上為人真可悲也 善誠身尊徳性道問學等語所以終戒懼慎獨之意 為聰明才俊儒衣儒冠其為幸當何如耶令若又不 中庸說 東敬集

金牙口石八門 用功庶幾有以盡其所當然得其所以然程子謂 餘縊矣自費隱至父母其順矣乎為一節盖言道之 學者豈可以難而自阻那必察之精守之固行之果 箇天然恰好處至精至微故屢對其妙而數其難然 然後中可得以執矣此發其端至二十章終其義無 用廣所以然者則隐而難知學者宜就切近平實處 諸心者言此節變和言庸以見諸事者言盖事事有 自君子中庸至唯聖者能之為一節首章中和以本

とこのしたころ 饗其祭子孫保其業延宗祀於無窮其為孝視武王 事然舜以匹夫有聖人之德享富貴之極致使宗廟 周公為尤大斷軍取義以例觀之可見矣武王周公 章也雖第十七章若泛言舜之大孝無與於事死之 此發端至下童皆言事死之事終此章之義以起下 有其神無其誠則無其神是皆陰陽屈伸之妙用以 其如視諸掌乎為一節言思神之情狀以見有其誠則 學而上達乃學之要是也自鬼神之為德也至治國 東泉県 F

面片四尾 全書 箇誠字此章言修身為政皆本於誠而誠不可以不 昼有譽於天下者為一節盖言君子體中庸之功魚 言每每提出一箇誠字不一而是盖以誠為一篇之 豫故極言誠之之功於後數章以人道天道相間而 節盖承上章治國而言也上章言思神之德露出 極級在學者尤為當務之急也自大哉聖人之道至 至誠孰能與於此哉自東公問政至純亦不己為 之孝謂之達孝者以其能通鬼神之心也非天下之

العامل احدوان 聖人體中庸之功無內外大小而言下兩節言至誠 内外大小而言下兩節言制禮作樂之事本上章居 理始言一理天命之性也末復合為一理上天之載 子曰中庸一書始言一理中散為萬事未復合為一 極功也未後一節舉一篇而約言之與首章相應程 至聖之道本上章大德敦化小德川流而言中庸之 述堯舜至茍不固聰明聖知達天徳處為一節盖言 上不驕為下不倍而言此中庸之妙用也自仲尼祖 東康集

金片四屋白雪 章為費之大鬼神章為魚費隱包大小問政章為魚 中庸之書其體圓盖以此耳朱子義理精密訓釋 以終二十一章之意不能無疑因肆臆説於右安得 大小包費隱此後至終篇皆為反覆推明天道人道 神功化之極無所不備故常妄謂大學之書其體方 事明善誠身之道修徳凝道之功制禮作樂之具聖 無聲無臭也其中達道達徳九經之目事神治民之 明無可議者獨費隠以下謂前三章為費之小後三

有道如吾朱夫子者執之以求正馬 是一節說中和自君子中庸以下十章是一節說 資答云朱子亦常分作數節大抵與叔父同因檢 愚常妄為此說竊謂朱子復起當不易吾言矣,顧 京公問政以下七章是一節說該大哉聖人之道 中庸君子之道費而隱以下八章是一節說費隱 大全中庸卷端朱子云中庸當作六大節看首章 以德學淺薄無以取信於人耳間當出示兄子資

الله ما المعددة المادة

東嚴集

羊五

金分正是台灣 東般集卷一 誠意章可見因書數語於後併以求正於四方君 定之論迫於遅莫未及二修改耳觀易質前猶改 首章之義都意偶與之合獨費隱以下八章有未 以下六章是一節說大徳小徳末章是一節復申 合耳乃知朱子集註章句成於早年於中容有未

欠已日至 2.45 謂吾邑僻處山中故家巨族率敦尚禮義鄉里小民亦 於有司正德丁母拜吾邑今長下車首以民俗為問愈 吾邑譚侯在湘南為名士以易經領鄉薦上春官屢屈 欽定四庫全書 序類 東巖集卷二 樊異賢能詩序 東農集 明 夏尚樸 撰

之名至今未有以雪也侯曰是誠在我乃籍積成在官 此為令者當散胜急遽之時或欲駕砌以用之往往墮 金月四月全世 為民蠹者悉去之由是 姦邪屏跡民獲以安侯益官行 其桁中以致掣肘敗官而去者有之遂使一邑蒙刀碩 樂於耕桑無外慕特其中時有儇點數輩贖貨健訟為 越數日方仰一肉間行阡陌悉減導從所至民不擾禮 已一以清心省事為本門無苞苴解守蕭然舉家疏食 民害然無根據薙而去之不難也顧其才亦能集事前

il I とこりるいけ 幕下祭决謀議事獲以平侯與有力馬孫公由是知侯 甚聞於當道先是鉛民有與巨室為仇遂切以威懼罪 賢下士作興學校尤得賢士大夫之心未踰年政奉籍 中命予序之竊當觀之中庸論獲上治民本於明善誠 有司用兵勒捕欽差巡撫都憲孫公躬至其地檄侯 逃竄山谷據除拒捕以自固勢頗猖獗朝廷患之事下 僚佐黄君輩倡邑之士夫作為歌詩以詠其事走書山 大 用特書其最敦遣厚幣與異之以為 炒明之地其 東般集 置

宜其武政未幾處得上官之愛重至於如此也方今朝 然有古人望雲思親之意非質之近於誠明疇克至此 親心之惟守官於此恒切思慕問會予言及輒停杯惘 庭訓讀書續文飾躬修行而左右就養無違禮甚得其 身而悦乎親則知居下位而得上官之愛重顧亦有道 銀牙四庫全書 廷急於求賢凡有才徳而困於下僚者例家簡擢布列! 邑未幾奪官而歸享有髙年為郷邦舊徳侯自幼得之 耳豈必如世俗之所為哉侯之尊府君某先生嘗為博

受知當道行見膺薦而起大用有日尚當以古之賢傑 欠己可多 とう 文予觀周禮大司徒三物之教本末具備皆切於民生 光明俊偉足以流聲光於無窮庶可以答孫公之知而 臺諫部寺而有服大僚者甚衆未嘗以科第拘也侯既 於諸君詠歌期望之意為無負矣庸書此以俟 自期明善誠身以為之本使他日見之建明措之事業 三代之教民也以有用之學後世之教民也以無用之 賀劉君伯鳳卜居祈峯序 東殿集

**无際之不如以故得志則驕縱失志則悲愁自非志氣** 金月四月月十 而無待於其外後世先王之教廢父兄之所訓迪子弟 之無成功歸之於農當是時也學無濫士野無濫農達 有司尺度然後罷而出之則舉平日之所業者曾糟糠 則舉其所學而措之於政不幸而窮馬则亦有以自樂 不羣之士鮮不以得失為心而丧其所守者蘆塘劉伯 日用之實不為無用之空言士之入學率以是教之教 誦習率以舉子之文及其老而無成雖成而不中

尺八月三 1.15 史鑑諸書有關於舉業者誦之其習為文典雅簡明亦 鳳氏少遊邑戽從指紳先生業舉子經書傳註及性理 為巧而力者所奪用是困頓而罷歸於家君長不滿數 不大戾於尺度不幸屢屈於有司晚乃得廪於學而卒 尺而有英氣人皆慮其抑鬱無聊將舉其所守而喪之 於 乔峯之下兩山環抱掬 為漫池前面鶴山而靈山鶴 不少挫非志氣不羣者疇克爾哉晚厭所居喧雜改卜 君慷慨自若議論侃侃是非無所回互視在邑庠時 東般集

皆斯堂之助也君有二子方在髫起而斬然露頭角 農讀書之眼能以古人之學自其幼而導之埃其長而 上 他求者暇日客至則剪蔬取魚開樽布席相與飲於堂 **園可疏有池可魚有田可稼皆足以養生喪死無待於** 志而昌大其門者端在此矣堂既成予與元素仲素飲 有得馬然後倻之修舊業以為仕進之指則所以成君 醉 諸峯隠隐約約出沒於烟雲百里之外有山可樹有 則攜客而出尋堅經丘萬登遠望超然如在物外

金分四母全量

古人之學惟務養性情故其為詩自然止乎禮義後世 而樂之有感乎先王之教也於是乎書 書感興詩後

先王之教廢而人不知所養其為詩也率皆鑿空强作 不復發乎性情之正矣雖漢魏威唐等作猶不能無憾 禀賦之理聖賢傳授之古異端悖認之失俗學支離之 况其下者哉予觀子朱子感與之作變二十篇耳天人

とこりき こかう 陋與夫千古史學難决之是非而超然得於獨斷之餘

東殿集

學者徒見其詩文之妙而不知其所本故其平生為學 之作有顧以多言害道戒不作詩之語而此諸篇實繼 情所發自然止乎禮義如此竊當考之本集至日感懷 銀片口母全量 其後則知公之有得於言者正惟有得於多言之戒之 者率於此發之誠無愧於三百篇之作矣然公直嘗規 於真味發溢又却與尋常好吟者不同真名言也後之 力耳故嘗訓學者云平淡自攝豈不勝如思量詩句至 規學為如是之文哉蓋由平 日涵養之功 巳至故其性

とこりを ここう 録居恒諷詠於兹三十年竊當謂康齊為人嚴毅而詩 去者悉存觀者病之于昔從遊一齊得見此本手自抄 晦可勝惜哉故予因書數語於後用以告夫後之君子 此康齊手刪本也康齊詩文近刻於撫并少作及當刪 且以自警云 復和平中之所養可知迨至晚作類多愁嘆之語抑可 動以者述為事以致心愈勞而事愈左言愈多而道愈 書小陂集後 東聚集

金片四周全書 略獨海虞吳氏集解視諸家為善舊刻於某處惜歲久 綴數語示兒姪輩使知康齊之詩誠可以獨步當世非 少作及當刪去者悉附其後庶乎其可耳 見 其好學之心至老彌切也凡此皆考徳者所宜知 註 久於玩索者不能知也後之欲刻者當以此本為正取 蝕字多殘缺建陽書肆傳刻亦復訛姓欽差提學南 小學者無慮十數家然詳者失之支離簡者失之疎 重列吳氏小學集解序 因

V. 19.21 1.15 之書所由作馬遭秦焚滅大學猶幸存於戴記而小學 以見其與支流木裔迥別朱子因而廣蒐精擇以為小 之小學庠序學謂之大學人生八歲則入小學而教之 不可得以復見矣尚賴曲禮內則諸篇亦於記存馬可 先王之教廢孔子於是誦而傳之以詔後世大學小學 以小學之道十五則入大學而教之以大學之道周末 序屬子予惟古者家有塾黨有庠術有序國有學塾謂 畿侍御某君重加校正命某郡守某君刻於郡齊而以 Ą 東藏集

彭定四群全書 宋之言行小學之異衛也立言之意具見篇章若無事 内篇三代之言行小學之根本也後二篇為外篇漢唐 言善行者所以废此三者而已合而言之益前四篇為 術之要威儀之則衣服之制飲食之節具馬綱領節目 義夫婦之別長幼之序朋友之信具馬其曰修身者心 學一書蓋當考其篇章次第其曰立教者胎教保傅之 不越此三者其曰稽古者所以實此三者而已其曰嘉 教學校師友之教具馬其曰明倫者父子之親君臣之

えいりい ニリ 獨學校一事未甚詳備益自國都郡縣莫不有學而鄉 於小學太祖高覽遠識獨超於古特當時儒臣受命祭 吉頗得朱子纂集之意益朱子有功於聖門而吳氏不 比米子大學章句之作然字求其訓句求其義章求其 為無補於朱子也我朝稽古定制大綱萬目無不畢舉 未通其何以為持循用力之地哉吳氏集解雖不足以 於註解者然初學之士知識未開的於訓話文義有所 不設於問卷設料取士悉以四書六經而誦習不及 • 東報係

能取高科齊無仕君領薦上春官竟以乙榜投清江教 部方四库全書 晉江林君世仁蔡虚齋先生之高第第子也虚齋還於 理學能發所見於舉業程度之外士子經其指授者類 惠學者且使窮鄉下邑皆得以資其講習馬其於國家 詳學制者未及論定而致然即令某君視學南畿之初 化民成俗之意豈不與有助哉 即命郡縣皆立鄉社之學又命郡守某君重刻此書以 贈邑博林先生序

找陶公某復舉獎異之典視問公有加馬學中諸生謁 ノ・リシュントラ 予謂此带得之虚齊者予即再拜而受之居常佩服竊 予文贈之予舊官南都有友人歸自閩中以詩寄帶於 敦遣有司具禮幣以獎之又明年侍御巡按秦公某清 鑿詭異以要時譽涖任之明年 典學憲副周公某移文 江時退則不廢誦習解經續文悉用虛齋之教不務穿 諭丁内艱去服闕改任吾邑日升講席課諸生如在清 取幸死之義今虚齊吾不得以見之得見其帶猶見虚 Ų 東哉集

齊況見其高第第子如君者乎 顧以批學獨奉多言之 得以淑人视安定為無愧一時出其門者類皆氣象可 者皆循循雅飭遇之不問可知為安定之第子虚齊近 生當學絕道喪之餘慨然以師道自任第子散在四方 不立故不能有所成就師道立則善人多矣告安定先 無一言為君贈即竊當聞之英才何代無之特以師 戒竟不能就之將考滿解任北上而諸生之詩益力能 出南関自為諸生時即有志古人之學潜心力究推所

舒定四库全書

シニョシ たたう 者眾君受當道之知而書其最於銓曹則凡世之所 職盖亦無愧於虚齊宜其見信於諸生受知於當道至 **颐者方其服也颜色恱懌筋力强威一旦鳥頭力去將** 功名富貴皆君所宜有不知何以砥礪於後以答諸 愛林君親承謦欬得之言行者尤深簡重寡然克舉教 吾徒朝夕從先生見行則學聞言則識譬如人有服鳥 知即肯尹和靖別伊川而歸請教於謝上蔡上蔡云 如此也近時銓衡用人不拘常資由教官而家顯擢 Ų 東殿集

記云四周日書 如之何和靖反而告伊川伊川曰可謂益友矣林君今 知人之明有足徵矣予當私淑虚齊而辱交於君久竊 去虚齊日遠恐亦不能無如上蔡之所應者竊願以心 為嚴師而尚友乎古之人庶不負虚齊之教而於諸公 附上蔡益友之義亦因以自警云 東巖集卷二

戮朝廷以南京為祖宗根本之重持命白巖喬公為禮 姦用事禮之大體十喪七八賴天地祖宗之靈尋就 珠朝立國百五十年於兹典禮修明天下又安近年權 こうえいり 欽定四庫全書 記類 東巖集卷三 南京禮部題名記 東敷集 明 夏尚樸 撰

雖出於天所以綱紀是道使之四達而不悖則存乎其 秋有禮自我五禮有庸哉同寅協恭和衷哉是知典禮 之而命某為之記予惟天叙有典敕我五典五惇哉天 講求墜典為務退食之暇乃命掌故稽之載籍得自某 人耳粵籍唐虞有秩宗以典三禮周禮春官卿有大宗 公以下若干人列其名氏用識於石其所不可知者缺 伯以掌邦禮有少宗伯為之佐其下又有六十獨觀共 尚書宿庵吳公為禮部右侍郎二公同寅協恭日以

到好四母全書

て・ショシ ニュラ 由燕藩入承大統遂并北平為北京府部之設一視乎 帝定罪金陵稽古建官内設六部以分理天下之事而 三代以上稱威治必曰虞周有以哉洪惟我太祖高皇 南京後雖遷鼎於北而以南京為留都官之多寡事之 貢舉賢才廣禮四夷之事悉於此乎掌之太宗文皇帝 有四司為之屬凡郊社宗廟之禮朝覲會同之典與夫 會通制其繁簡雖有不同其所以綱紀是道則一而已 部與其一總之以尚書佐之以左右二侍郎其下亦 Q 東殿集

子其亦有感於斯夫其亦有感於斯夫 嗚呼禮樂與天下所由治禮樂崩天下所由亂後之君 於今百五十年而其人之名民己多不可考矣将不遂 金成四母全書 至 官之善而所以綱紀是道者又有其人敏然自開國至 其久安長治未有若我朝者也豈非祖宗立國之固建 視乎北京三代以下稱治朝曰漢曰唐曰宋而止耳求 於湮滅而無間軟宜二公拳拳於此而有不容已者 簡不同然此實惟祖宗根本之舊以故用人之謹 卷三

欠己の自己 易扁置此感矣因以浴沂扁之時或倚杖行吟泉上以 亭者益慕公之為人耳匪直以其泉石之勝也今必欲 於此既而思之除之有亭多矣人獨好遊醉翁豐樂諸 谷中信如記中所云欲作亭復歐公之舊未果也嘗賦 每疑豐樂亭非其故址暇日尋源獨上得紫薇泉於深 疏巧還故山因移疾居寺中命僧結亭泉上欲移亭扁 一詩貽龍泉寺僧懷聰聊志其地而寄吾興耳會予具 浴沂亭記 東嚴集

東 孔子與點之意水子云顏子之樂平淡曾點之樂勞攘 出潭上可坐十餘人疏泉環臺而流名**曰詠歸臺皆**取 為舞雩壇由壇北行百餘步有石橋水流至此轉折而 後命有司建廟以為歲時賽龍之所連山栢木陰翳下 金少正屋有電 有平地可想水逸其前觸石喷游可玩因除地為壞名 中其深莫測我太祖高皇帝龍興初當禱雨於此有應 為樂由泉東行數百少少折而南上有相子潭在崖谷 滙為小潭弘澄可愛餘波溢出雖然有聲傍有土臺

2.10.4 1.4 之能樂其樂即舊當遊大學得速事章楓山先生先生 以此教之今人溺於利禄之學深矣必知此意然後有 學馬白沙云我無以教人但令學者看與點一章予云 進步處耳予間其言恍若有悟信以灑落為堯舜氣象 白沙云彼一時也此一時也朱子時人多流於異學故 是知曾點之樂具顏子之樂而吾人之樂又宣若歐公 日謂予云陳白沙應聘來京師予在大理往候而問 此教人善矣但朱子謂專理會與點意思恐入於禪 東農集

耳豈必放浪形骸之外留連山水之間然後為樂其樂 弘治甲寅孟春之月夢一老者偕予至一所得巖穴馬 即因以告夫同遊二三君子且者諸篇以自警馬 樂端不外於此矣故周子有禮先樂後之訓而程子亦 後讀二典三誤乃知兢兢業業方是堯舜氣象孔顏之 有非有待於外求者必從事於敬庶可知其意味之真 云敬則自然和樂和樂只是心中無事是皆吾心之固 遊夢仏橋記

金牙四月全世

其事莫春過霞坊拜劉元素仲素談笑及此且欲以夢 甚奇之顧調老者曰是宜名隱像岩一日以事過東山 坐於石久之度橋登南山之顛而坐馬則羣峰四合間 過予家拜先者墓時宿雨初霽陰涼爽快遂至其所 中之名名之仲素笑曰宜名為夢仙橋為住次月仲素 緣南山以返命一推者導予登雅者以望偶見一石横 跨山腰平衍可度有類象山僊人橋者忽憶所夢益竒 有棲真辟殺之士視其稅甚古聴其言灑灑可愛于

久足四年公馬

東嚴集

噫有此天地有此山川吾信佳山勝水載諸圖經者不 去復留予欲作臺其上仲素以登仙名之既而語予曰 带其中樓臺據落夾水而居者歷歷可指 夢仙之橋勝境也今日之遊勝事也不可無詩以記其 見層出靈山諸峰隱隱約約出沒於烟雲二百里之外 為 遂賦五言古詩二章予率倚韻而和之詩成序記之 視原野曠然四平新苗交翠一色 際山流水在曲映 不衆獨南嚴鵝 湖懷玉以朱夫子舊當講學游觀於 徘徊四 餺既

金げ

区层

1777

欠足习巨 亡与 學問之功漫不加意則他日追想舊游之地觸物感時 有大於此者誠亦莫非前定吾人其可汲汲於此不以 得失者甚微苟有所遇接見於夢如此則凡事之得失 之游未必不留為異時故事苟徒放浪於山水之間而 今日乎使吾人克自砥勵奮然以朱子自期待則今日 於南嚴顧以辟處一隅雖郡牒亦其之載其或有待於 此遂名著天下留為不朽故事今此山之勝殆亦不下 恐為佳山勝水之所盖耳且一泉一石其所以關於 TI TI 東႘集

金少里是白雪 理家政性勤稼穑知天時地利雖老於農圃者有所不 遠早起而晏眠糞多而力勤嚴之所獲率倍鄰壞里族 幸予父兄相繼淪喪不勝公私之叢委乃棄其業而總 古之先賢聖自期共留聲光於天地之間與山川同為 兄子貞聰明剛果足以有 為使能致力於學亦可以 不朽也即 第見用於時幼年予當攜之出外讀書粗知句讀 積善堂記 取 不

次足四華公等 如此亦足以有為顧乃使之老於農園而不自知此則 當賦詩貽之有阿咸也解作農師之句觀者皆以為然 為予置酒延實以為樂酒酣成詩率有奇氣觀其襟度 時取古書翻閱粗識大義雜植花卉於庭每到開時軌 者別築書屋數極延師以教子孫課農之餘偃仰其間 供賓祭有室可以備棲息簷阿棠啖魚隅墊飭有足觀 晚以食指頗繁故居不足以容改築於其東有堂可以 游惰者與起皆知以勤生力穑為事盜竊由是少熄子 東農集

之人自幼小至於終身無不善之事自念慮之微至於 計哉告后稷躬親稼穑受封於部十百餘年至文王受 之已誠積之既久則其世澤流行洋溢直可以一二世 積者豈一朝一夕之故哉益自祖宗至於子孫無不善 一言以為訓因扁之曰積善堂且進諸子於前而記之 事為之者不敢以不善之心介乎其問夫是為之積行 予失教之罪也堂成之初舉酒為壽而請名於予懇求 曰積善之家必有餘慶積不善之家必有餘殃夫所謂

欠こりら たら 軍之所習見 故能致有今日予竊一第以為官汝筆受 於鄉予先君中憲大夫先批太恭人其存心制行又汝 **廢興存亡容有 異乎哉予家自先世以來素以忠厚聞** 載論語故能與國同体至於久而後失之速令子孫蔓 魯而周公之所以教之者不越君子忠厚之道其言具 延天下不可數計而乃知古今人同家國理一其所以

•

東截集

他世積忠厚改也周人世守以為家法改伯禽撫封於

命以有天下卜世卜年卒過其歷視夏商為獨長此無

偶感異夢遇異人得荒山數畝形勢為頗異穴其地得 一墨以為氓門問粗改其舊豈偶然之故哉第恐子孫 金牙口母全世 為 區之言即故曰與治同道罔不與與亂同事罔不亡又 以豐已者出於其問世澤之延促未可知也庸書此以 狃於宴安不知持盈守成之道或有徇利以忘義剥人 曰積徳百 年其後必昌斯言豈我誣哉 訓其詳具在六經子史取而觀之當自見矣何俟區 息庵記

欠足四事企等 叫 哉要當戰兢惕勵體天之行深思平生之過而改之不 壯者解不失之於遲莫予生七十有一矣來日能幾何 以不知易曰天行健君子以自强不息夫能矜持於少 然稽之字書息訓止訓生葢造化之於物也生則必止 為遊憩之地自扁之曰息庵莊子曰造化勞我以生逸 異壞馬命工為子營一壽擴擴成築室數極於其側以 止則復生通古今為一息此乃萬化之機軸學者不可 我以老息找以死世旨以為曠達名庵之意葢取諸此 東龍集

哉正徳戊辰江南 歲大侵建 平尤甚次年春復大疫餓 天下四方者男子之所有事也然多拘於勢分不肯以 萬載猶有生氣否則腐同草木而已矣奚貴於息哉故 以老耄而自逸庶幾無愧於心異時得安於地下雖歷 矣.不然则.亦有為而為至無所為而止矣而何有於義 有為其或勢分非所拘無所為而為者其為善之心誠 曰存吾順事沒吾寧也庸書此以自警併以詔夫後人 郎 川潘氏義家記

1:7:

欠己习巨人生了 具酒食以時祀之於是死有歸生有養一舉而兩得巡 教若干就食之徒争相負入擴而埋之不下數千人又 度田六畝鑿為深擴號於衆曰有能負一尸以埋者與 恤 匱不遺餘力有司皆奉記姓為義官及此目擊其事 **学相籍價戶載途該之者口發聚販飢掩船埋時國家** 而寢食不安乃設粥以飼餓者施藥以療病者多所全 事也守令責也吾何與獨吾潘君時英素知尚義周貧 活其有輾轉溝壑率罹萬鸱螻蟻之除者為美冢城北 東凝集

心是心也固聚人之所同有也奈何世變日下殘忍者 慕義者又恐時移事改夷為平原相與謀議立石冢例 金八尺人人 以垂諸久而求記於予予惟孟子曰人皆有不忍人之 有司得如潘某者數人則江南之民我無患矣乃為立 齊民耳乃能推其所有於饑饉疫屬之餘使鄉之生 /雖可為如守令亦置民瘼於度外 顧時英者問間中 於按治所以紀其事因以為守令之不職者愧邑之 御史北平劉公以禮獎勸且路收二段童付之歎曰

人是可重 1.15 活流民於青州范文正公復流亡於浙西民到於今稱 者其能然乎未子曰一命之士苟存心於愛物於民必 報将有不期然而然者時英名某於吾宗居父行其大 之使時英沾一命之寄則其所濟當不止此當聞之段 而 有所濟故陳堯叟為糜食餓汲長孺開倉賬飢富鄭公 死均受其惠如此非有所不忍無所為而不以勢分拘 併及其子若時英之陰德雖非有為而為然為善獲 堪葬漂流之棺郭元振助五世之葬後皆獲報於身 東殿集

為記 又公諱瀬書領永樂癸卯鄉為有義方之訓時英能繼 金月口母有量 其志為人之所不能為而又無所為馬是誠可尚也故 僭述其縣於此尚當俟作史者採之以垂諸永久馬是 **東巖集卷三**